

21233

澄城附志
上集

王鳳儀題

孫中山先生遺像



總理遺囑

余致力國民革命凡四十年其目的在求中國之自由平等積四十年之經驗深知欲達到此目的必須喚起民眾及聯合世界上以平等待我之民族共同奮鬥現在革命尚未成功凡我同志務須依此而著建國方略建國大綱三民主義及第一次全國代表大會宣言繼續努力以求貫徹最近主張開國民會議及廢除不平等條約尤須於最短期間促其實現是所至禱

澄城縣附志序

蓋聞邑之有志所以紀山川形勢文物興替政治沿革與夫民情風習以備當軸採擇考察而垂諸後世者也溯北徵自道光以還志無續撰而此百年間形勢之變遷文物之興替政治之沿革與夫民情風習之移易率泯滅而不可考有志者無不恐其愈久而湮也志之續修願可再緩乎歲癸亥余權篆是邦即欲續而志之曾聘邑紳姬相卿主持其事嗣因戎馬倥傯時局多故事終不果閱歲乙丑復蒞是邦是豈天之果欲廣吾願而使此邦之志有以繼乎惟時復干戈擾攘財政奇絀修志一事又似爲不急之務然考元聖之周官編修於成周之開始叔孫之朝禮制定於炎漢之初隆亦皆時局未靖而亟亟修之制之者良以大勳既集之後即文獻旁徵之時余之急欲志斯邑者竊取是義也丙寅孟夏適邑紳趙君任卿自朝邑解組歸來遂禮聘之主撰述更聘姬紳相卿丁紳鶴年袁紳聖衢彭紳壽昌楊紳射斗雷紳召卿姬紳甲三爲之助趙君歷宰名城通達治體而姬丁袁彭楊雷諸紳舉皆宏通博雅望重士林時僅五月而續志附志並成續志止於清末體例一仍舊志蓋亦繼美前賢之意也辛亥以後國體改革政教各異有不可以舊志例者故別以附志其間教育實業水利自治均非并有條使後此者得按籍而知政教之因革辨土質之所宜已開前此未有之轍其詞簡意賅立言得體猶餘事也憶余初來是邦值殘破之餘百事廢弛爰竭心力之所能及逐漸建設興學校辦實業清理財政改良警察修城池以固吾圉築橋梁

以利行人舉凡地方要政略具規模祇以志無續修引爲憾事今幸得以賡吾願而是邦之山川形勢文物興替政治沿革與夫民情風習其庶幾乎以資考鏡而備輶軒之採者矣故自忘謏陋而爲之序

中華民國十五年丙寅孟冬北京中國大學法律士署理澄城縣知事王懷斌允伯序於署內再來堂

澄城附志序

邑之有志所之驗民風資治理徵文獻寓勸懲固非徒記勝山川藻飾詞章已也古者史官掌邦國四方之事與其版輿土地之圖凡民之材藝貨賄榮臘所報之數田野丁戶婚訟佃畜之數以及山川藪澤蠶種樹宜舟車器械之數無不周知周禮外史掌書外令掌四方之志是志之所由昉乎所志何事雖未說明然既以備輜軒使者之採集則志之所志當即史官所掌之事也民國以前政體專制注重文學作方志者亦多趨重於摺紳傳記名勝古蹟而於山川輿圖甚至錯訛農商事務略焉不詳按之外令所掌得失判然關中名志舊稱康對山武功志韓五泉朝邑志然歷署二縣曾讀二書文固精核無裨理治謂之爲一家言則可目爲善志竊有疑焉茲本數年之歷取周禮之遺法拳拳於職業物產教育民風用副國家維新之至意發揚地方自治之精神然則何爲以附名乎亦有所不得已也竊嘗論之秦漢郡縣天下開君主一統之局結貴族專制之果政治之一新紀元也隋唐制藝取士實趨重文學之基爲宋儒性理之漸學術之一大轉關也今者國體改革歐化東漸尤我國學術進化史上之一大階梯也是故言教育曰普及教育言經濟曰社會經濟言政治曰平民政治生今之時志今之事不能徒循舊例也明矣惟值國家過度時代制度典章均在試驗期中月異而歲不同欲爲肯定之記述不綦難哉况自韓志而後邑乘未修幾及百年其間回匪之變亂丁丑之大饑澄民死亡殆過半數先賢遺跡已漫不可攷民國以

後檔案損失益無所據故自清末及今提議續修者十餘次舉行而復中止者又數次今當兵旱頻仍軍務倥傯民力疲敝之際而王邑侯熱心倡辦不能不思於最短期間用觀厥成自咸豐以至清末定爲續志一遵舊志體裁自辛亥及今從新分類以期省時省事供後來之參考故曰附志也計共十一門首地理以縣之所在也疆域定則度地居民興築斯起故次之以建置維持安寧增進幸福端賴政治故次之以經政內務重要厥維農商故次之以實業庶而富富而教故次之以教育振興教實尤賴賢尹故次之以職官教化行於上人文起於下故次之以人物考獻徵文援古證今故次之以藝文以金石縣事之重且大者編年記述故次之以大事記略軼事瑣聞又不可遺棄者故以雜志終焉嗚呼纂修志乘大事也亦難事也禮也學淺才疏已懼綆短汲深而期限預計定六個月中夏則二麥歉收幾復中止秋則高軍襲城輟工匠月匪徒竊發道路梗塞採訪之有所未周調查之有所未確實不可以諱言又以時局關係不能不急切歲事即自視之猶覺缺點甚多愧疲靡已况高明乎所望後之賢者就其訛漏而補正之則幸甚焉民國十五年十二月夏歷十一月趙邦楹謹序

澄城附志纂修姓名錄

監修

澄城縣

知

事王懷斌

字允伯邵陽縣人北京中國大學法學士

參閱

澄城縣承審

員張岡

字樸山邵陽人

主任

歷任武功朝邑縣知

事趙邦楹

字任卿留日早稻田大學政治科政學士

幹事

澄城縣議

會

議長彭萬齡

字壽昌清附生

輯

歷委署靖邊縣漢中府訓

導姬新命

字相卿光緒壬寅歲貢

前教育局

局長楊冲霄

字射斗省立第一中學畢業

候銓訓導文廟奉祀

官姬鼎

字甲三光緒戊申歲貢

廩

生雷文棠

字召卿

採訪

四川候補府經歷代理汝
川縣知縣現文廟奉祀官

李生蓉

字鏡亭增貢生

署白水縣知事嚴訥

字內言清廩生

五品銜增貢生張丕業

字成侯

廩生雷侯封

字采丞

增生李蓮炬

字季陶

附生趙重義

字比亭

附生王化行

字子南

附生張培乙

字午山

附生王尙德

字燕丞

附生白蘊華

字含章

附生張靜怡

字陶庵

縣參事會參事成熾昌

字蘊軒

附生雷靈澍

字蓮峯

縣 議 會 議 員李文華 字蔚亭

校對

附 生雷在南 字子明

高 小 學 校 教 員嚴卓民

繕寫

省 立 美 術 學 校 畢 業楊生彬 字志文

縣 立 高 級 小 學 校 校 長雷爾昌 字采丞省立第一師範畢業

省 立 單 級 師 範 學 校 畢 業趙連璧 字望周

省 立 第 二 範 師 學 校 畢 業韓瑞 字輯五

省 立 渭 北 中 學 校 肄 業韓尊俠 字義臣

澄城附志

凡例

一 民國改用陽歷惟鄉間習慣仍用陰歷此回調查鄉里戶口舊志登載皆係陰歷故志年月仍沿用陰歷

二 舊志輿圖錯訛甚多山川亦簡略有誤故另爲繪編皆楊君射斗手成特述之以誌其勞

一 明包節陝西行都司志隸祠祀於建置中四庫全書駁之故方志多列祠祀爲專門惟民國以來典祀無幾且多拆毀廟宇事故茲仍附祠祀於建置門

一 舊志於各里下記村名惟里甲方位諸多淆亂且村有大小不同故茲以區及鎮爲主並記各該村現在煙戶數距縣及屬某鎮里數使披閱者易爲明瞭煙戶數雖時有增減然要不能大異惟里分不能不爲割裂至村糧屬二里以上者則以最多之里分爲主

一 賦役分國家地方兩項只記正供常款其因軍費浩繁臨時派征者事定之日自當一律停止故概不登

一 方言俗語有音無字者用國語拼音

一水利鑛產爲近時要務然必考察精確方可實行無弊故於尙未興築之水利開採之鑛產特記其議論以資提倡不下斷語用免隨意附會貽悞將來之咎

一物產商務舊日方志多繫地理或貨殖特合職業列爲實業門以副國家注重實業之旨

一舊志學校載有學宮茲列文廟於祠祀內又因國家注重普通教育非學校範圍所能概括故改爲教育志

一志與史不同史兼善惡志則記其善者彰善即所以癉惡也茲於職官列表載其姓名其有善政足述者別爲政績錄

一舊志人物不分門類以年之先後記載茲特分類列表以便披閱如事績卓著非簡單表記可盡者別爲列傳並取法吳鄉土志例惟生者不立傳以遵蓋棺論定之意

一舊志列女論者每譏其繁多不知孤嫠寡婦紡績度日成立門戶裨益國家良非淺鮮縱使調查汎濫烏可任意刪除特限於篇幅其卓異者列傳於首餘則列表記其姓氏與夫名

一各縣縣志皆有經籍門現值物質文明時代以後著述當不限於經史故改爲著作附於藝文內並授馬氏通攷例只載作者姓名及書名重要者登其序

一各門均擇錄舊志惟藝文傳記隨事附載外只載民國時之二篇蓋以前藝文美不勝錄有舊志及續

志可攷現在文字革新似無再贅之必要

一舊志金石以元爲止附志原擬限於明代惟安寧寺碑係香林和尚所書筆法遒勁可貴故特及之

一近日修志多以清末爲止邑自韓志後幾及百年尙未續修現在國政改革諸新建設若僅限於清末則於民國事實殊屬闕如若以修志之年爲斷則於前清稱謂諸難措詞故自清咸豐元年起至清末止名爲續志一沿舊志體例姬相卿先生編次自民國元年起至十五年止名曰附志另行分類但此十五年中所有事實非述及既往不足以見沿革損益爲有統系之記載故擇登舊志雖名附志實與新志無異知我罪我固所不計惟體例未當蒐採未周統希 加正焉

澄城附志目錄

卷首

輿圖

澄城縣總圖
 中東區圖
 西南區圖
 東南區圖
 東北區圖
 西北區圖
 澄城山脈水道圖
 澄城交通圖
 澄城治城全圖

卷一

地理

位置
 疆界
 形勢
 交通
 郵電
 氏族

沿革

山川

名勝

景致

卷二

建置

城池
 津渡
 公署(附公所)
 倉庫

街坊
 城鎮鄉區

祠廟
 寺觀
 宗教
 附寨
 區里
 村鎮
 表橋
 梁

卷三

經政

戶口
 賦稅
 救荒
 警察事務
 自治事務
 水利
 風俗
 方言

卷四

實業

物產

職業

商務

卷五



教育 教育局 義務教育 職業教育 初中學校
教育經費

卷六

職官 職官表 政績錄

卷七

人物上 選舉表 民國學校畢業表 民國宦達表 事不錄

卷八

人物下 列女

卷九

藝文 著作 傳記 詩歌

十

金石 金類 石類

卷十一


大事記略

卷十二

雜誌

澄城縣總圖


每方十里



圖例
 驢界 山脈 河流 泉水 治城 回
 山脈 河流 泉水 治城 回

村落 道路 市鎮


澄城 西中東區圖 每方五里




澄城東南區圖 每方五里



澄城東北區圖 每方五里




澄城西北區圖 每方五里




登城交通圖 每方十里



澄城山水脈水洛武川道總圖



澄城治城全圖



澄城附志卷之一


地理志

土地為國家要素之一地文乃人文誕育之源故先王建國必首經野職方所掌莫重輿圖澄地雖彈丸小邑昔為郡治三輔名區矧山澤原隰道路交通與夫疆域之分合人事之變遷無非斯民生活之根據而邑乘文化之所關也作地理志第一

位置附呈野圖

澄城漢時為徵徵澄同音故名縣城建自後魏或因澄泉得名位於陝省中道東北隅以天文分野在東井十二度之鶉首次地理經緯東自西經六度之一百零九里西至一百五十三里止東西廣約四十五里南自北緯二十四度之一百八十里起北至北緯三十五度之一百一十里止南北袤約一百二十里共計面積五百八十五方里有奇

東井星野圖



澄城附志之一

按晉省河東道臨汾縣起東井一度西盡於十一度即晉東井分惟東井舍共三十四度陝省東部當自東井十二度起訖訖甘肅之寧夏慶陽隴四縣等處約佔二十三度澄地中隔邵陽當在東井十二度鶉首次夫言東井而兼及鶉首者以東井星為鶉首故也舊志云井鬼之宿鶉首之次說近茲更正之

疆界

澄城縣治在省城東北三百三十里東北距京師二千五百二十里東至邵陽縣界二十里至縣城四十里西至白水縣界三十五里至縣城八十里南至大荔縣界六十里至縣城九十里北至洛川縣界八十五里至縣城二百二十里東南至朝邑縣界六十里至縣城一百零五里西南至蒲城縣界之蔡鄧鎮三十里東北至韓邵縣界之救郎山九十五里西北至洛白界之黃龍山九十里

形勢

澄城爲馮翊北陲鎖鑰前拱原阜後屏山隴大谷襟左毗連有莘之野洛水環右壤接彭衙之邑甘泉長寧諸水流行腹地析全境爲一縱梁形縣治宅南北中心而稍東偏閭閻櫛比堡寨羅列不可謂非形勢之區矣惟山僅拳石水多細流富窳巨商歷來寥寥矧南限洪溝風氣攸殊北亘重巒苻萑恆萃勉盡人事補地理之缺憾變貧瘠爲富庶是在後人之責而已

沿革附歷代沿革一覽表

人與世驅地隨時變一代崛起必有一代區劃而沿革尙矣舊志記載簡略茲略爲增補如下

澄城屬禹貢雍州之域春秋時屬晉爲北徵地後歸秦漢景帝始置徵縣屬左馮翊郡後漢省入重泉今蒲城縣魏晉因之元魏太平眞君七年析邵陽置澄城郡兼澄城縣隋開皇二年罷郡以縣屬同州唐武

德三年析澄城置長寧縣貞觀八年廢長寧長慶四年割隸奉先縣五代梁屬河中府後唐復隸同州宋屬同州隸永興路金移京北路元屬同州隸陝西行中書省明隸西安府清改隸同州府民國二年廢府置道則直隸於陝西中道焉

代名	君主	年號	統	部	隸	郡	名	縣	名
唐	帝堯		豫州之域						
虞	帝舜		雍州之域						
夏	大禹		雍州						
商			雍州						
周			雍州		畿內地				
春秋			晉					北徵王官	
戰國			秦					北徵杜平新城	

按舊志以周頃王二年秦伐晉取北徵吳鄉土志以陝西通志秦公子鍼食邑北徵即列屬秦地殊不知邑境當時為秦魏交爭地域自周顯王三十九年魏入河西地於秦邑地始全歸秦屬故當時

元	金	宋	後唐	五代後梁						唐	隋	後周	西魏
世祖中統三年	熙宗天眷三年		莊宗同光元年	太祖開平元年	穆宗長慶四年	肅宗乾元初	肅宗至德元年	玄宗天寶三年	高祖武德三年	高祖武德元年	文帝開皇三年	明帝二年	恭帝三年
陝西行省	京兆府路	永興路	永興路				河中府			關內道		雍州	同州
同州	同州	同州	同州	河中府		同州	馮翊郡	馮翊郡	同州	同州	同州	澄城郡	澄城郡 領縣三
澄城縣	澄城縣	澄城縣	澄城縣	澄城縣	割隸奉先縣	澄城縣			澄城長寧		澄城縣	領郃陽	澄城五泉朝邑

張羅谷先生山水記謂揣天峯爲入境第一高山約分三支南支迤南爲樺嶺北支西北行盡於洛川之石堡川中支西北行約二十里者爲旗山武帝界嶺黃花諸山而斧山覆金將軍天馬社公香爐壺梯諸山俱屬南下分支河流多濫觴於此雖能攷空源委大勢瞭然但簡略疏漏之處時所多有今述山之脈絡本此而因河流天然經行分全境爲東中西三縱梁形居縣西河長甯河中者爲中梁以社公山爲主峯居大浴河縣西河中者爲東梁以鳳首山爲主峯居孔走河洛河長寧河中者爲西梁以壺梯山爲主峯社公山詎治城最近以其高低方向遠近爲標準而東而北而西而南之山比例記述庶易明瞭茲依元馮復京昌國圖志山水分敘例按脈絡條理先後逐陳如左

山脈

以社公山爲標準故先述社公山由南而北用逆敘法
甲曰武濟山而西而北月川鈔注

社公山 在縣治正北五十里爲旗山南下之鳳山中支形類東西長方倒置在中梁之主峯自麓及巔盤徑約二里高度約九百尺西成階級狀起數峯漸低下而盡於良輔河左岸東面陡落其谷爲甘泉發源之東溝南下不里許即平行可耕其巔東西長約十六七丈南北約七八丈面積約二畝許建社公廟每年秋社時登臨致祭者絡繹於道 在社公山北半里許者爲鳳尾山形似鳳尾故名高達九百尺以上西行漸下爲鳳山西支盡於良輔河左岸 在社公山北里許者爲鳳山形似鳳故名俗名尖山孤峯獨峙

周圍約二二三里高約一千一百尺 在社公山北二里許者為罄折峯東西兩峯對峙中陷小谷為南北

往來孔道形似罄折故名俗名參脚石橋較鳳山略小高度差逾於社公山 在社公山北二里許者為天馬山

南與罄折峯可呼為谷相傳昔時有寶馬夜馳故名其周圍大於罄折峯高相伯仲在社公山東北約九里者為紅頭

坡頂廣於社公各山而形勢低平故高度遠遜 在社公山東北約十里許者為將軍山在縣北六十里上有廟祀

秦將武安君白起說見古蹟山西北不與他山接東南行連起數峯漸蜿蜒 下約十里盡於大峪市源史家河

右岸南麓有泉九俗呼九泉山本此有誌謂有三泉東南合流入大谷即大谷河之西源也峯高約八百尺以山麓踞高故

高逾於社公山 在社公山東北約十五里者為覆釜山四隅有稜形類覆釜故名即大路旁邊土北原西百山周高俱

埒於將軍山 在社公山東北十八里者為尖帽山形似尖帽故名在覆釜山後 在社公山東北二十里許者

為雲萌山因時有雲萌發故名在尖帽山後 高度與覆釜山俱相似 在社公山東北二十五里者為斧山

旗山分支南丁之第一山俗名門限嶺山上有路故名高約一千二百尺嶺為南北往來孔道澄洛之分水嶺也在縣北七十五里 由此東

行為羅圈山大谷河源曹家河諸水出其南又東為松樹梁盡於龍頭坪川南下為楊家嶺

旗山 在社公山東北二十里俗呼驢鞍橋山在縣北八十里形如旗故名在縣北八十里為揣天峯西北行中支正幹高達一千二

百尺以上社公諸山之脈即由此分支南下者也其正幹西行者爲武帝山與旗山東西對峙其南凹下

流有峯陡起爲石樓山在縣北七十五里詳見名勝正南有水經柏谷即長寧河東源之良輔河源也旗山東南行約二十里

向無名
稔不贅

揣天峯 在社公山東北約四十里俗呼踴天高類梁山超社公山約三分之一在縣東北八十餘里爲境內諸山祖峯

分三支北支入洛川境中支西北行即旗山武帝山等南支爲樺樹嶺其北二里許爲佛爺崖上有佛爺

神洞故名舊志揣天峯西行十里爲旗山南下二十里爲樺樹嶺東行三里許爲佛爺崖均誤大峪河東源之史家河源出焉東至郃陽縣界爲韓山俗名救

郎頭上有奕應侯廟按奕應侯爲韓厥郃陽縣志謂不趙文子誤爲澄郃韓三縣所共建者揣天峯南支東南行十里爲樺樹嶺在

社公山東北約二十里高約一千一百餘尺又南爲木耳坪嶺而盡於曹家河

社公山脈南行四十餘里時起時伏至高槐村南谷中爲伏鳳山在縣西二十里又南十五里至長閏鎮西浴子河

右爲鬪鷄山又南有石峯陡起爲小垂崗形類華山故名高約二百尺此高度自溝底計算與社公諸山由山麓起算不同其脈自浴子河南踰

洛登起入蒲城東北境者爲白堂諸山

鳳首山 在縣治北五十里爲鳳山東南下東支形如鳳首故名在社公山東約里許東梁之主峯也與

社公山東西對峙中陷谿谷前約數百武山巒分三層前有岡阜上建小塔俗呼寶塔塔中為水泉坡腹有泉

瀉出石礫有水三石六斗各字後有峯突起高達九百尺與社公山髣髴上建義狗洞相傳有客經此失首狗護守之返尋至此狗斃存首之立廟俗

呼狗食圪塔為南北往來孔道路傍西有馬蹄鞭窠形相傳為秦白起遺跡東漸低下盡於大峪河西源之右岸南行為治城發

脈之源而盡於大峪河入洛處

武帝山 在旗山西為旗山正幹西行之第一山在社公山北稍西約二十餘里在縣北八十高約一千三百

尺為西行諸山最高者上有漢武帝廟詳見古蹟其南麓長寧河之源出焉武帝山西行為界頭山在社公山西北三

十五里在縣西北約九十里高約一千一百尺巔有羊左神洞俗呼土神洞相傳羊角哀左伯桃赴楚踵此按羊左燕人為今直隸境楚為今湖北地豈有繞道踵此之理又北下

十里有金子河為澄洛界綫其東南為要險峽峽東北為武帝山東有岡曰石門山俗呼石門合又東為麻林

陂高約七百尺又南為膠泥衝衝又南十里為紅蘿谷在縣西北七十里在社公山西北約二十里舊設驛為通

洛川孔道

界頭山西行為黃花山因產黃花菜得名在社公山西北約四十里在縣西北八十高約一千一百餘尺山南書

堡村東溝有泉為孔走河東源西行十里有風洞詳見名勝又西為雲門谷上有曹溪寺小溢池詳見名勝其麓為孔

走河西源又西入白水縣爲黃龍山分支迤南隱伏濱孔走河約三十餘里至雷家河在縣西北爲將台山又

東約三里許爲樊噲山

黃花山分支東南行爲香爐山形類香爐故名

谷名圃
圪塔

在社公山西北約二十五里高與社公山等又自香

爐山東南行連起岡陵迤折而下約十五里有孤峯特起者爲壺梯山形如階梯壺狀故名在社公山西

微南約二十里

在縣西北
六十里

高約七百餘尺西梁之主峯也方向子午中高南北兩端漸低下重巒麗秀古柏

蒼蔚巔廣約十畝上有壺山廟祠玄帝及送子娘娘等廟宇頗壯麗每年三七兩月會期遊人如織而婦

女祈嗣者尤多

按揣天峯西北行之旗山武帝界頭黃花諸山橫互北境蜿蜒約六十里爲南北分水嶺而佛爺崖北之麻羨嶺爲韓洛界山西爲

葦園河爲董家川爲小川爲武帝川爲金紫河多北流兩傍俱開山嶺約十里許爲澄洛界舊志未載若南下斧山覆釜將軍天

馬磬折諸峯尤爲東西之分水嶺綜計山嶺約占全面積四分之一（五百八十五方里許）山嶺東西約四十五里南北約三十

里面積約一百三十五方里與仙溝壑計當不止此就中可耕之田十僅二三第因居民稀少（全縣人口以十一萬計每方里尙

不達二百數）故歷年墾植多仰給僑氓多商州人富歲藉以漁利凶荒則人逃地蕪近因土匪出沒逃亡尤甚賠納糧款不一而

足（馮長牙富良輔太慶武定賢得各里皆有）故沿山人民均視山地爲畏途然前清道咸之時如牙曲良輔魏家河坡各富室無

一不因山之利益而致富况山內出產衆多賦稅無幾果能振興畜牧務植森林優待僑氓驅除匪類則當獲益無窮又何害之足

患哉

臨高原亦梁山別支自郃陽仙公原西南行入本境經駱駝項西南行迤邐二十餘里盡於洛河

方輿記要宋李

顯忠密圖南歸後由大荔漢村經臨高原奔夏

原北有龍泉原南有岡將起上有廟俗呼高廟

縣南六十里

由臨高原折而東北行者曰伏

龍原東北盡郃陽縣境

按舊志無伏者龍原之名意以其原小而不載歟但東西延長二十餘里地形所關不能缺如今因原唇四起伏龍村故以命名

縣南與大荔朝邑接壤者為鐵鑱山

下為大荔朝邑境上為邑境

按鐵鑱山脈大荔朝邑各志皆謂西盡於洛東絕於河為梁山分支然攷其形勢西接富平北原東盡於河延袤二百數十里似為

荆山別支且越洛河處當萬佛寺西洛河東西兩原相對北高南下其為一脈無疑蒲城縣志載紫荆原在縣南三里西連富平涇

陽東達朝坡綿亙二百餘里李申者輿圖云是荆山別支云云其在大荔境雖未指明何原意者其即是歟又以古事證之古之彊

梁原即鐵鑱山見同州府志漢地志左馮翊懷德縣禹貢荆山在南下有彊梁原洛水東南入渭太平寰宇記引逸洛水東南經

彊梁原俗謂之朝坡夫懷德故城有二一為秦縣在朝邑西南即水經注言渭水之北沙苑之南有懷德故城是也一為前漢縣在

今富平縣境即上述漢地志是也按朝坡即今朝邑縣西之華原為鐵鑱山南行之支派照寰宇記彊梁原為朝坡應在懷德城之

北不得謂之南與漢志相鑿柄故先備注禹貢有執朝坡以當荆山者元和郡縣長安志又恢荆山一名彊梁原者若以鐵鑱山為

荆山別支富彊梁原則四起富平既合於漢志荆山在南下有彊梁原之語而東達朝坡又不悖寰宇記彊梁即朝坡之說特為

學識淺陋未敢遽以為是故存管見以俟就正

梁山
佛命崖
(天谷河東源)

天
瑞
峯

樺樹嶺
驢鞍橋
旗山
武市山
界頭山

(長寧河東源)

(長寧河東源)

松樹梁
羅園山
(天谷河中源)

斧
山
山
山
山
山
山

麻林坡
石門山
要險峽

黃花山
(孔走河東源)

將軍山
(天谷河西源)

天
馬
折
峯
山

鳳首
社山
鳳尾
(縣西河源)

(浴子河源)

小華崗
關雞山

壺梯山

樊哈山

將台山

風洞
不道池
雲門谷
(孔走河西源)

河流

洛河古一名沮水又別於豫之洛一名西洛源二一出甘肅安化縣北之白於山東之黑水坡一出省北定邊縣澗口峪中琉璃

廟前經分水嶺相會又南流經保甘脚洛至白水之齊家河入境在縣西北六十里孔走河自東北東北流注焉又

東南流十餘里至史家河吉安城南水注焉又東南流二里洞子崖水注焉又東南流十五里逾石家坡

村東長寧河注焉又東南流五里房家河注焉其東為民國十二年陝西陸軍旅長高峻所建之三眼橋

在縣西三十里詳見橋梁又東流二里許有山孤峙河中形如獬豸踞坐俗名獬豸洲在縣西二十三里又南流十餘里為長潤鎮

浴子河注焉鎮洛河渡舊為通白水蒲城要道又東流折而南約五里為一眼橋山高谷深峽隘水急有

小龍門稱在縣西南二十五里詳具名勝又南流入蒲城縣界五里至索曲村南縣西河注焉又南流十八里至淤頭仍入

縣境淤頭當洛水下游自懸崖瀉下聲如雷轟為洛水之最險處在縣西南三十里詳見名勝又南流三四里為第二淤

又南半里許為第三淤較上淤稍低又南流十里至曲立河大谷河注焉又南流入蒲城縣界綜洛水自

水齊家河入境自蒲城縣之曲立河出境流域共九十餘里界澄西邊與白蒲分界

附張羅谷先生漆沮洛三水考 秦水以漆沮名者有二一在漢扶風地近西一在漢馮翊地居中一即史記河渠書之雒水又名

漆沮者耳居東詩云之之初生自土沮漆傳云沮漆二水名在幽地山海經次之田漆水出焉水經漆水出扶風杜陽縣今麟遊縣一愈山東北入于渭道元注引班固地理志云漆水出漆縣西北岐山東入渭又云今有水出杜陽縣岐山北紫溪謂之紫渠西南流注岐水予按今扶風縣有漆水南流與渭合入渭水經謂東北入渭而注謂西南流注岐水或今昔異地或考據未真此漢扶風之漆詩傳所謂在幽地者是也顧鄴注又引尚書禹貢太史公禹本紀云導渭水東北至涇又東經漆沮入于河明一統志因之遂言馮翊之漆山自鳳翔漢扶風一則誤合幽之漆沮爲禹貢馮翊之漆沮其謬甚矣然詩言漆沮而沮自孔穎達正疏即云未知所出今亦不敢臆說要不出幽岐地可知也禹貢漆沮既從渭水攸同又云導渭曰鳥鼠同穴東會于澧又東會于涇又東過漆沮入于河地理今釋云漆水出西安府同官縣北高山經縣城東合同官水西南至耀州與沮水合沮水出延安府中部縣西南流經宜君同官一縣境至耀州城南會漆水東南入富平縣界名石川河又南流至臨縣北交口鎮入渭尚貢謂漆沮既從又東過漆沮入于河者是也予按漢馮翊漆沮即此此兩水沮見于詩書其有漆沮名宜矣若洛水之名漆沮則古無聞焉有之自水經始淮南子云洛出嶽山高誘注云嶽山在北地今慶陽府西北夷中東南流入渭唯出熊耳注云熊耳在京師上雒今雒南縣西北予按洛雒古字通用然入渭之洛不可同於上雒之雒猶幽之漆沮不可同於禹貢馮翊之漆沮也明矣水經沮水出北地直路縣東今延安府宜君縣過馮翊今耀州宜君并漢馮翊地東入于洛陝西通志子午水在宜君縣北一百三十里源出子午嶺東南流入中部縣合沮水沮水在中部縣南亦自子午嶺東行二百里東南流入洛水予按洛自名洛本無沮名源出定邊堡今改縣澗口谷中經琉璃廟前北至定邊百餘里其水出土即濁異于他水西南流經保安塞地至甘泉縣又東南流至州交口葫蘆河入焉葫蘆河即通志所謂合子午水之沮也源出安化縣黑水坡西南至慶陽府一百八十里東南流經合水界至鞏州入洛志謂源出宜君子午非洛又南流經洛川中部宜君界又東南經白水澄城蒲城界至三娘子橋西受白水白水俗亦名漆水即水經所謂出直路之沮水也又東南行過同州至朝邑入渭其地俗名三河口謂洛也渭也河也洛本入渭或入河以河性善崩遷徙無常故耳然則洛本名洛以受二沮水或以有沮之名故顏師古曰洛水

即漆沮也而諸家或昧其源或誤其流舛訛承襲迄無定說良以水行千里蜿蜒 撻打山民能知而不能言學士大夫鮮或經 歷其地其剛蠶不合蓋有由矣夫禹貢所載山川紀其疏通所及者耳非若山經地輿之臚列靡遺也洛水自湖口發源千里而遙皆深谿大壑水即泛濫不能旁溢故洛雖大於漆無功則不紀 自其宜耳漆沮自耀州出山歷川 原過岡阜即時有高 下要總平疇數百里與民居比肩襄陵之勢自不能免此禹貢所以紀漆沮而不記洛水 諸家見洛水大於漆沮亦有沮名故 說多穿鑿今悉錄條辨以解惑庶後學者不迷焉延安洛記云洛水出慶陽府環縣即古洛源縣也經延安府甘泉縣即古雕陰縣 也經鄜州宜君縣子午嶺至中部縣入西 府界經耀州及同官縣富平縣合沮水歷而城同州至朝邑東南入渭予按陝西通志所謂合子午 水之沮水俗名葫蘆河者源出慶陽府安化縣在府東北一百八十里與古洛源縣鄰洛源漢縣名也或漢人失考以二水同流誤以此爲洛源耳至謂經耀州同官至富平則又混入禹貢馮翊之漆沮矣洛水至鄜州即折而東南耀州在其西 中隔大山數層烏能至彼哉洛記記洛之書源流舛錯尙如是他何怪乎 水經漆沮水一源俱出直路縣東中分爲二一南入渭一東入洛其言入洛也曰東經粟邑縣故城又東流北注洛粟邑今白水縣也是合洛水所受直路之沮與禹貢馮翊之沮爲一水也夫直路之沮原自東注馮翊之沮本自南行源雖相近中又有山隔限阻折下流或東或南莫能相通豈可謂其 一源中分乎孔傳曰漆沮二水名亦曰洛水出馮翊北周禮職方氏雍州其浸渭洛鄭注洛出懷德按漢書地理志云懷德禹貢北條荆山在兩下有彊梁原洛水東明入渭懷德今富平縣地與白水鄰曰荆山在南直路之沮正由荆北是亦白水入洛直路之沮也其曰漆者蓋據所入言之耳然 孔傳之言原釋禹貢亦曰洛水豈馮翊漆沮亦有洛之名乎程氏大昌曰雍地四漆沮而實三脈禹貢漆沮惟 平石川河正當其地漆在沮東至華原 今耀州 而西乃始合沮沮在漆西既已受漆則途南東而合乎洛洛又在漆沮之東至同州白水縣與漆沮合而相與南流以入于渭三水雖分及白水縣遂混爲一流予按程氏以禹漆沮爲石川河是矣然華原合者即石川河之上流白水合者乃直路入洛之沮水一自南流一自東注烏能混二爲一乎至寰宇記所言沮水自坊州昇平縣 今省入宜君縣 北子午嶺出則通志宜君之子午水也下合榆谷慈馬等川遂爲沮水則通志初入洛之沮水所謂葫蘆河也其言源非與通志同而又謂至耀州

華原縣合漆沮後混入禹貢馮翊漆沮末又云至邠州朝邑入渭其失大都與洛記程氏大昌同而蔡傳引此釋書殊為未安夫地與山川從古多淆况秦中水以沮名者爾有漆沮則詩之古公篇也華原有漆沮則書之禹貢篇也洛水又受二河則水經之沮與通志子午嶺之沮也洛既受沮宜有沮名據孔安國傳則漆沮亦有洛名矣名既濶雜其流源錯亂如諸家之說亦復何怪乎予採摭羣書質以所聞雖自謂精審然殘簡故牘尋墨數行野老商販傳聞鄙俚未獲親歷其地山川有靈夫又安知不啞然笑其陋耶

孔走河源二一出雲門谷南

現成乾溝為邑西界

一出古堡村東溝黃花山右

在雲門谷北約十餘里

泉源甚微西南流十餘里會

諸泉水漸大為羅家河又南流數里始稱孔走河

係白水縣廢鎮今為村名

又南流東岸為大險門

在縣西北六十五里關家橋村東壺梯山後衙驛乾

溝經此建橋故名又西

又西南流十里經古王官城西玉泉水注焉泉濱崖出瑩澈如玉故名

在縣西北六十里

隆冬水

芹夾岸不啻春夏下有蔬圃菜畦引流灌溉上有玉泉觀為修真勝地

元西台御史彭術潘汝劫遊此

又南流十七里至十

二曲村入洛計源委約四十五里

吉安城南水源出吉安老城兩隅溝中南流合為一水漸大

在縣西北五十五里

西南流十五里經馬村村東煖水泉

西獄泉俱自西注焉東有泉二股出西社村西二股泉西流注焉

在縣西北四十里

又西南流十里靈泉會馬齒

泉南流注焉又南流五里蔡家河西流注焉又西南流至三官廟前入洛流域地皆可溶渠灌溉興水利

計源委約四十八里

洞子崖水源出西社村西水色澄潔在縣西北四十里西南流五里至洞子崖入洛源委約十餘里

長寧河源二一出武帝山右俗名馬腿子南流會壺梯山分支處牛跑泉東流會麻堤溝斬家山柳樹店

諸水入紅羅谷南流約三十五里即為魯家河一出武山左旗山南石樓山麓南流匯柏谷諸泉又南流

十里至社公山陰折而西為良輔河二水合流地點為雙河溝舊有鎮今廢在縣西北四十五里又西流經壺

梯山南為迪家河又西流折而南十里始名長寧河為東西往來大道因經古長寧城遺址得名在縣西北四十里又南流

十五里經陰泉村西陰泉水注焉泉有二中隔土嶺皆自東南崖陰流經水慶橋詳見橋梁又南流五里經三門舊縣

西雙泉寺水西流注焉又西南流十里經石家坡村東入洛源委約八十餘里

房家河源出西戶莊村南西南流五里張家莊村東泉南流注焉又南流五里經房家河地多煤井開採

未盛又南流至三眼橋北西入洛源委約十餘里

浴子河源出縣西二十里之高槐村南伏鳳山右南流七八里至長潤鎮西北段莊清涼禪院前泉西南

流注焉又南流二二三里經小華岡西入洛計源委十餘里

縣西河源出社公山西南崖畔寨東西兩溝中舊志謂源山西莊子村南溝中南流未半里即合為一在縣北五里又南流經西

莊村東玄明觀西劉家圪塆村西遮路村西之瑞雲觀至薄洛村東俗名蘆子河為東西往來通溝約二十餘里因多溫泉

土人呼為十里不凍之蕭家河多植蘆葦獲利頗厚又南流十里經親隣寨詳見古蹟又南流五里經車蓋村

西三泉水自西注焉在縣北十五里又南流十里經永內村詳見古蹟又南流二里許經九轉山東為明孫

瞻園讀書處又南流二里菜圃棋布又南始為縣西河一名三里湖河東有武當山高約百餘尺上有

玄天上帝廟風景頗佳中流建有建安普濟兩石橋以便行人詳見古蹟澄泉水自東注焉詳見古蹟又南流白餘

步經金沙谷西有東晉佛圖澄之洗腸泉東流注焉泉上建普濟寺為澄當日修養所詳見古蹟又南流三里

經纂業村西漢武帝擲鎗泉西流注焉詳見古蹟計河源至此有泉甚多此下則無又西南流入里為蔡家河

又西南流二里為張家河王家河權家河又西南流五里為蘭莊河明代所建之橋詳見古蹟正北地名石

溝五六里間炭井羅列約二十餘處為澄城惟一利源在縣西南約二十里北乾溝中十餘里有崆峒橋在縣西南十里

又西南流五里至惠家河為蒲城縣東北境又西南流五里經索曲村南入洛源委約八十里

大峪河舊志載源有二誤矣一出揣天峯佛爺崖下在縣東北八十里南流二十餘里曾諸泉水稱史家河一出羅圈山南麓

諸溝中南流約十里許上高三東為高家山老虎溝中為黨家塔石家岔八岔溝西為何家溝至木耳坪西南各水合流稱曹家河在紅石崖東北匯合距縣約六十餘里

一出將軍山南麓九泉諸水合流稱寺莊後河至王家河村南匯合在縣治東北六十里二水合流始名大峪河從茲南流五里為

下家河又五里為白家河河西有隋文帝避暑離宮在縣東北五十里詳見古蹟又南流二里麻家河又一里雷家河

舊有鎮久廢在縣東北四十里為澄郃東西往來通衢清宣統間建有浴水橋旋圯又南流五里劉鐵河產秦椒最有名又南流五里

馮家河又西南流六七里朱家河郃陽界又東南流五里河東北高家坡又東燕尾溝為澄城東界又南流

十五里為段家河為姬家河惟李家河產蘇最著名在縣東十八里為入郃要道又南流四里為管家河計河源至此泉

源星布此下即無又四里劉家河又五里楊家河又四里党家河又四里經撲地村東為趙家河又南流

二里候家河又西南流一里袁家河從茲折而西流五里為馬家河與袁家河俱有磚洞土築之橋以利

交通皆在縣東有二十里詳見橋梁又西南流五里為金家河彭家河韓家河水東亦縣境至郃陽縣界轉達矣又西南

流五里入郃陽界至聚菴河又南流入縣界為雷家河駱駝項西泉自東注焉又四流五里耿家河龍泉

水自東注焉正縣南四十里詳附名勝又西流五里茨溝泉自北注焉龍王廟西有連岷泉所建之石橋在縣南約四十里詳見橋梁

為西北通衢又西流十里經臨高原村北又西流十里經蒲城縣永豐鎮北之曲立河入洛在縣西南五十五里

源委一百六十餘里

按澄山分界大峪河俗名大浴河南流至雷家河有鎮曰浴永鎮建有橋梁亦曰浴水橋其地廟碣所載與路志皆然似浴水之名不

無來原然攷石韓各志紀載則曰大谷李恩繼同州府志宗之竊意此水有東中西三游俱出豁谷而蜿蜒流行多在山澗中且溝寬

兩岸約十里則名大峪至為切當豁之意谷也韓志謂揣天峯兩支撐樹嶺盡於豁者是俗謂之大浴殊無意義故曰大峪從實也

水名	發源地	境內流行經過地	名勝古蹟	原委里數	歸宿地
洛河	源二一出甘肅安化縣白於山東黑水坡一出有北定邊縣澗口谷中流瑤廟前	白水齊家河入境史家河西社村石家坡長潤鎮狀頭	雲霧峽 <small>獬豸</small> 洲小龍門狀頭	九十餘里	自大石河注入後即入蒲城縣境至朝入於河
孔走河	源二一出畫堡村東黃花山右一出雲門谷南 <small>(現或乾溝)</small>	羅家河 關家橋 古王官城西	玉泉 樊喻山 將台山	四十五里	十二曲村西 觀音堂入洛
吾安水	源出吾安老城 兩隅溝中	善化村 盧家社 李連坦 馬村 史家河 蔡家河	暖水泉 西岳泉 三股泉 靈泉 馬齒泉	四十八里	蔡家河西南三官廟前入洛 洞子崖村西入洛
洞子崖水	源出西社村西	洞子崖水		十餘里	
長寧河	源二一出武帝山 <small>石砬俗名兩腿</small> 于前流會紅羅谷諸水一出 <small>旗山南石樓山麓</small>	良輔河 魯家河 雙河 鎮連家河 長寧河西趙庄陰泉村三門村張家莊	長寧城故址 陰泉 雙泉寺	八十餘里	石家坡村東入洛

房家河	西扈莊南	張家莊 房家河	煤井羅列	十餘里	鎮子頭三眼橋入洛
浴子河	高槐村南伏鳳山石	殷莊 長潤鎮	清涼院小華崗	十餘里	長潤鎮小華崗入洛
縣西河	源出社公山西崖畔寨之東西雨溝中	西莊村東 遮路村西 親隣寨 卓蓋村西 郊城村西 永內村西 築業村西 董家河 蔡家河 張家河 蘭莊河 惠家河	甘泉 親隣古寨 遺谷九轉山 武營山 建安普濟石 橋澄泉 洗腸泉 棚鎗泉	八十餘里	索曲村南入洛
大峪河	源三一出福天峯東佛爺崖 下雨稱史家河 一出羅圍山南 三水合流稱曹家河一出將軍山南麓九泉南流稱寺莊後河	王冢河 權家河 柳樹嶺 魏家河 坡王冢河 白家河 麻家河 雷家河 劉鐵河 馮家河 朱家河 侯家河 姬家河 李家河 管家河 劉家河 楊家河 堯家河 趙家河 侯家河 袁家河 馬家河 金家河 彭家河 韓家河 聚巷 河 南 富家河 耿家河 茨溝村 臨高村	避暑離宮 隋文帝故里 燕尾溝 龍泉	一百零餘里	蒲城縣界由支河入洛

古蹟

古蹟所在有關地方歷史為考據學家所重視然荒煙蔓草埋沒日多附會涉疑訛傳堪慮今擇其重要者因記述之便分四類一故城遺址一故宮坐居一廟泉一墳墓俱以年次記之

故城遺址

北徵故城

在縣治西南二十五里蒲城縣界俗名避難堡

或云晉重耳避難曾居於此故名

左傳文公十年秦伐晉取北

徵即此

周王官及郊故城

左傳文公二年秦穆公伐晉取王官及郊括地志王官城在澄城縣西北六十里郊

在澄城縣西北七十里有南郊故城又有北郊西郊今皆無考惟縣西北有郊城堡相傳即郊城故址又

明通志王官城在縣西北四十里今縣西北六十里歸安村瀕孔走河東岸有王官故城惟邑儒張蘿谷

有王官城辨謂富在晉地

附王官城辨邑西北六十里歸安村有王官故城遺址邑乘謂左傳秦穆公伐晉取王官及郊即此予嘗登覽其處周圍約二里許基厚兩丈餘地漸溝壑城小而固非居下所築無疑於其地得古瓦一完

好如初闊一尺零長一尺五寸微弱背有深紋形製朴拙儼周秦間物也史記秦穆公廿六年大敗晉八取王官及郊括地志云王官故

城在同州府澄城縣西北九十里南郊故城在縣北十七里又有北郊故城西郊故城邑乘蓋本諸此予讀史記秦紀穆公十五年與晉

戰於韓原括地志云韓原在同州府韓城縣西南十八里三十四年穆公使孟明視等將兵伐晉戰於彭衙括地志云彭衙故城在同州

白水縣東北六十里是時秦郤雍晉都絳由雍即絳自西而東北則今韓郤澄白多秦晉交兵之處志以邑之王官為穆公所取之王

官蓋有由矣然考春秋左以傳文公三年秦伯伐晉濟河焚舟取王官及郊晉人不出遂自茅濟封絳尸而還曰濟河則已踰河而東矣

曰自茅津濟茅津今平陸縣古渡杜預所謂大陽渡是也南對陝州則又踰河而南矣初晉敗秦師於殺匹馬隻輪無反者拜賜之役又敗秦伯不以孟明再敗爲罪孟明於是致死於晉晉人避之故能深入晉地取王官取郊又踰河而南封何所獲敗還然則王官與郊當在河東晉地不得以邑之王官當之明矣又考括地志蒲州猗氏縣南二里有王官故城亦秦伯所取廣輿記臨晉有王官谷上有天柱峯高插雲表唐司空圖隱居處也春秋傳說彘篡王官杜注晉地今山西平陽府臨晉縣東南七十里王官谷有廢壘即其地也郊杜注晉地當爲臨晉平陽間小邑然則秦人所取之王官乃臨晉之王官而邑之王官亦周秦間古城偶同其名括地志兩存其說邑乘不考失於附會焉耳夫古地可考者大都自春秋以後然乖舛訛誤如斯者不可勝數自禹平水土以後玉帛萬國歷夏商周千有餘年其間都邑之隆翼人民之蕃阜夏商先王朝觀會同之所不知其凡幾也而今湮沒於斷崖荒草間學士大夫無能過而問者嗚呼可勝道哉

新城故里 左傳文公四年晉侯伐秦圍祁新城即此舊志新城在縣治東北二十里今甘泉湖東有新莊村韓志疑即新城故里其或然歟

元里故址 晉文公十六年伐秦築元里通志故址在澄城縣南十五里今縣西南二十里有元里村其即是歟

杜平故址 周顯王十四年秦與魏王會杜平今縣南五十里桑善鎮即其地舊志未載或遺漏歟

杏城故址 魏書澄城今杏城有失其所

魏澄城郡故城 即今縣治地

三門故城 元魏眞君七年所置在縣治西北二十里今三門村即其地

陽苑城及衙城故址 魏地形志謂在縣治西北二十里之三門村今皆無跡可攷

長寧故城 唐武宗三年析澄城置長寧縣在縣西北四十里長寧河南今故址尙存

長城故基 縣治東南城牆頭一帶縣治北五十五里之官則口俱有古長城基不知所昉舊志謂即史

記魏築長城自華州濱洛以北以擯秦者

乾坑 唐時李元諒敗李懷光於乾坑顧氏方輿紀要謂在縣西南三十里接蒲城縣界韓志辨謂當在

蒲城界東南六十里辨詳舊志

故宮里居

漢樊噲故里 治城西三里澗中有樊噲故里碑清康熙時重建民國十二年又重建又西北六十里雷

家河東有樊噲山上建噲廟西南三十里有樊家川亦云噲之子孫世居者舊志無載按史記噲沛人從

漢高以功封舞陽侯賜邑杜之樊鄉即今省南樊川並無境內之記載然舊時斷碑當非無據意者噲娶

呂后女弟呂頤爲婦後呂后敗呂頤被誅並及其家或當時子孫避居是歟然不可攷

隋避暑離宮 在縣治東北五十里之白家河其地林木葱蔚河流盤曲洵一方之偉觀明崇禎時碑記

初爲萬佛寺後改治平寺明萬曆三年重修三殿皆六角石柱計三十六根高丈餘光瑩無雕鑿痕今名

白鶴寺內有石瑩方池可浴足供遊覽宮西傍相傳有隋文帝故址惜無跡可攷舊志載金大定二十三

年重修岱獄廟記云古蹟則有隋文帝魏元成之舊莊今皆失其處矣

魏鄭公故里 在縣治北二十里之太賢村即唐太宗所賜之鄭公莊其子孫世居焉又縣北五十里良

輔鎮良周村皆以鄭公得名西二十里亦有魏莊今名魏仙橋想當時皆公賜地歟宋浮休居士張舜民過此有詩曰破屋居人少柴門

春草長兒童不識字耕移鄭公莊

唐伏龍府 在縣南五十里之北伏龍村為唐代置兵之所肅宗時以王榮為伏龍府折衝即是

宋定國軍故址 在縣治北四十里俗名地骨村今前道村東北地址寬廠有古刹一所相傳即其故址

迄今土人往往鑿得古代瓦礫

元親隣古寨 在縣治北二十里之親隣村元陝西平章李思齊命將所築以為屯守今寨址尚存

遼窟 邑人韓給諫一良於明崇禎時在灰條陂谷中鑿窰 孔以為棲息之所名曰遼窟在縣南二十

五里

廟泉

將軍廟 在縣治東北六十里將軍山上祀秦將白起相傳起伐趙經此按洛川白起遺跡甚多謂起當年曾屯兵處山與洛川連故特廟祀歟

舊於三月十五日有會今廢移山下武安村又今山東凹處有石塊搖之有聲相傳起遺鈴於此土人呼

馬鈴石山麓有白起墳按起死咸陽西門外十里之利郵亭 又鳳首山有白起馬蹄痕山下之白家社田稱為白起采邑居民

白姓為起苗裔云

武帝廟 在縣治北八十里武帝山漢武帝祀汾陰后土經此因在山嶺立廟祭祀至今良輔河有帝行宮每年二月二十五日演會以示紀念云

捌鎗泉 在縣治西南三里之纂業村西澗中相傳漢武帝經此捌鎗於地有泉湧出今北纂業村西南有帝行宮享殿歌樓規模頗壯

洗腸泉 在縣西三里澗金沙谷左上有普濟寺東晉高僧佛圖澄於永嘉四年入中國棲息於此相傳嘗開左脅取腸浴泉中夜開脅誦經光徹四壁每旱禱雨輒應民國十二年於泉上立東晉佛圖澄洗腸處碑清張知事錢有

詩曰古佛洗腸處名泉千載清圓靈淨月窟瑩潔湛雲泓禱每桑林應膏真黍雨盈蒲團留法像瞻禮共蒼生

隋公泉 在縣治西北六里之縣西河舊志隋文帝避暑時宮娃曾浴於此故名水清澈可愛兩岸石山壁立其形如匱故又名匱谷凡達人騷客尋修禊者宋藍田諸呂適菴老人俱有詩題惜殘缺莫辨民國十年駐軍旅長劉世瓏遊此鐫石大書匱谷二字旁述戰績又因怪石巉巖題曰逸石宋適菴老人有詩曰往事無窮莫漫傷野泉今

日水猶香最憐清澈明如鏡幾度宮娃照晚妝

龍泉 在縣南四十里醴醕四溝中味甘如醴隋文帝居同州時釀酒取水於此現今酥酪醴醕所釀之酒較他處爲佳

墳墓

夏伯成子高墓 在縣治東十里西下村塚高丈餘周三十步其上古柏森然生棘無曲刺墓前有廟三

楹內有夫婦袍笏二像碑碣無存宋政和中重修有斷碑今失去

東晉佛圖澄墓 在縣西門外舊文廟南下俗傳為澄藏骨處

邑人張羅谷詩云不知燼骨埋何地猶指宣尼廟下陵謂此墓

一統志澄卒於鄴宮寺寔於臨漳紫陌未知孰是

唐魏徵墓 在縣治北二十里之太賢村俗名海子陵有清乾隆間畢秋帆立唐魏文貞公之墓碑一統

志魏徵卒陪葬昭陵在今醴泉縣此不應復有徵墓舊志疑為即徵之子孫竊意此或徵之衣冠陵詩曰

荒陵墓雨魏文貞即此後人決不敢以徵子孫之墓誤疑為徵也

宋楊宣撫永慶墓 在縣治東南二十五里大谷河東岸之彭家莊與邵陽接壤舊碑竊去清乾隆間澄

邵民爭界陝撫畢秋帆委員勘驗立石墓前表曰宋宣撫使楊公永慶墓

金師節婦墓 在縣治南十五里之雷莊村

明尙書潘友直墓 在縣治北二十里之遮路村

明御史雷恭墓 在縣治西北二十里之洛城村

明給諫韓一良墓 在縣治東南四十五里之西觀村

明郎中許英墓 在縣治東北五里之壯頭村

明明經石部立墓 在縣治東北六十里之咸和村

清郎中白意墓 在縣治西南二十里之長潤鎮

清太史游得宜墓 在縣治西南二十里之長潤鎮

清知縣路世美墓 在縣治南門外南阡子男一麟附

清茂才張秉直墓 在縣治西北三十里之張家莊

清御史姚莖墓 在縣治南五十里之業善鎮

清知州韓亞熊墓 在縣治東南十五里之西觀村

清進士管桂林墓在縣治東十五里之管家河

清提督石生玉墓在縣治南之纂業湯房東北墓田廣約三畝許建有石牌樓勒文宗咸豐悼祭文一通以昭隆眷云

民國陸軍中將耿直墓在縣南四十里之茨溝南原畔上名耿公墳墓前建記墓碑石牌樓門首豎石人守衛中建享殿外圍磚牆每年二月臘月兩度香煙會以表紀念云

名勝

石樓山 在縣治北七十五里武帝山與旗山東西對峙南有凹中分凹南平地數十畝中有高約二丈以上大僅畝餘之石樓山穴隙天成形圓如堆石作樓閣頂類張傘蓋望之蔚然詢稱山嶽中奇觀

風洞 在縣治西北八十里黃花山西十里一名風谷其深叵測天將風洞中先有聲響振巖谷風欲息復如初半崖有石蜜洞俗名蜂窩俱號一方名勝云

雲門谷 在縣治西北九十里風洞西谷口若門水氣如雲故名其上為曹溪寺門署靈泉院寺前為不

溢池方可數丈深五六尺出寺東山巔注而不溢邑志稱雲門素練即此通志載洛川由南有金紫山蓋

謂此歟按舊志以旗山西四處為雲門谷邑儒張羅谷亦用其說韓志不置可否姑兩存之竊意名勝不常景物難再此谷口闊大南通柏谷不類門戶有良輔河上流水流行平地不為瀑布無雲氣可知則雲門之加殊屬無謂詢之士人呼谷東崖傍岡埠曰

雲萌山呼谷曰石樓溝萌與門音相近或因雲萌口而訛轉其稱谷為雲門谷歟然要之山與谷殊此谷應從俗稱為石樓溝而雲門谷則以縣西北風洞西邊者為最當

雲雷峽 在縣治西二十里洛河上怪石巉巖擾河中流分三峽瀉水高出面僅三丈餘堪稱洛河勝狀

現於上建橋名二眼橋

小龍門 在縣治西南三十五里洛水至此行兩山中山高谷深峽溢水急酷肖黃河龍門俱體而微故名小龍門水勢澎湃巍然巨規也

洪頭 在縣治西南三十里洪頭村西地當洛水下流有懸崖高可十丈洛水自上瀉下怒濤奔波聲如

雷轟下則急湍濺飛百步外迫不可視洪下石峽三四里為第二洪又南半里許為第三洪較上洪稍低

洛水之極險處亦邑之巨觀也

邑儒路一麟有詩曰洛交之水入激鄉驚濤鼓浪出車箱斬崖斗絕千百尺排空浴日失濯磨水簾洞穴深巨測蟄蝓蜥蜴為樂國呼吸作雲噴作雨雷隨欲敵不可得巨靈試斧截龍湫下

放妖蛟逆浪遊從此河海
應清宴何事擊楫向中流

澄泉 在縣治西門外三里澗下一名官泉或謂澄城源潔流清治城內外多取食之舊時形圓口

小民國十二年邑紳楊射斗督工鑿作長方形汲者稱便邑儒張羅谷澄泉吟曰秦中天高地凹起泉流悉出豁察底清芬甘苦味各殊凡經品題必佳土邑西古道旁一泓似盂

水自昔呼澄泉莫知命名始醞釀甘如飴澂澂清見底汲飲無渴時灑沾盈履履歷因以得名詎為泉馨美古人寓箴規欲以滌心耳

寥寥天地間最多佳山水造化鍾靈異也蒙含生理所以君子心愛玩無窮已如何宜粵者貪廉忘相擬人心有變易翻使泉蒙紫試泛西河孟門如石門行

此外如陰泉以水味甘冽名玉泉以水色瑩潔如玉名甘泉以水味甘美名獬豸洲以盤石孤峙形如獬

豸踞坐名小華崗以形如華嶽名伏鳳山以形如鳳伏名撲地河以宋李顯忠經過名柏谷以產柏多名

芳泉明知縣徐政在城內以水味芳香名徐公井以鑿井人名雙泉明知縣放左在或西北社稷壇內鑿水清且甘以兩井名

景致按八景名曰為明時士大夫在北京者偶爾標題藉為吟咏之資厥後各郡邑效之甚無謂也質復齋三原志屏斥弗錄殊稱卓見今姑存其名目以為遊覽之助云

荒陵暮雨謂魏徵陵古寨寒煙謂隣寨洗腸故地謂佛圖澄洗腸泉避暑遺宮指愍文帝避暑離宮雲門素練謂雲門谷

羅谷丹霞謂紅羅谷壺山樵子謂壺梯山沮水漁翁謂洛河渡

霧影城 在縣東北十里許每於日出時有雲霧自下升上頃刻成城郭臺榭樓閣狀韓志謂此有影無

形亦海市蜃樓之類

交通

按交通爲文化輸入導線澄地偏陬交通不便縣北山嶺重疊路途梗塞故文明不進步誠爲邑之缺憾然周道如砥姬周之斯興孫逸仙先生於生活要素之衣食住外加以道路不綦重哉

道路

東路出縣治東門至壯頭村三里 壯頭村至代莊村五里 代莊至柳池村三里 柳池村至李家河五里

東與邵陽縣接壤又五里 至邵陽王村

南路出縣治南門至楊莊五里 楊莊至雷莊八里 雷莊至交通道鎮七里交道鎮至懷仁廟五里懷仁廟

經楊家嶺至茨溝村五里 茨溝村經毛家坡至原畔十里 原畔至張家城二里 張家城至完家原三里

完家原至韋莊鎮五里 韋莊鎮至東白村二里 東白村至狗兒窰頭二里 南與大荔接壤又五里 至

大荔縣之漢村

西路出縣治西門至縣西河三里 縣西河至堞子頭三十里 堞子頭至房家河三里 西與白水縣接壤

北路出縣治北門至卓子村五里 卓子村至槐嶺村三里 槐嶺村至郊城村三里 郊城村至車蓋村二里

車蓋村至朱家嘴五里 朱家嘴至下太賢村三里 下太賢村至太賢村二里 太賢村至武家莊二里武

家莊至石家窪三里 石家窪至張家窪三里 張家窪至店頭村三里店頭村至楊家窪五里 楊家窪至

馬家莊二里 馬家莊至藥舖頭三里 藥舖頭至劉家窪三里 劉家窪至良周村三里 良周家至良輔村五里 良輔村至靈坡村十里 靈坡村至紅落驛十里 紅落驛至膠泥衝衝十里 膠泥衝衝至界頭村十里

北與洛川縣接壤

東南路出縣治南門至楊莊五里 楊莊至南北李莊五里 李莊至雷家窪五里 雷家窪至堡城村五里 堡城村至邵陽之馬村十里 馬村至邑之吳家坡七里 吳家坡至寺前鎮八里 寺前鎮至梁窪家八里 東南與朝邑縣接壤又三里 至朝邑之王彥村又一路出南門至曾家莊五里 曾家莊至廟窪九里 廟窪至袁家河六里 袁家河至邵陽劉家莊五里 劉家莊至邑之吳家坡十五里

東北路出縣治北門至崖窩村二里 崖窩村至小岫村一里 小岫至石家莊二里 石家莊至宋家莊三里

宋家莊至和家莊二里 和家莊至馬店二里 馬店村至羅家窪八里 羅家窪至楊家隴八里 楊家隴至倪師佃村二里 倪師佃至趙莊鎮七里 趙莊鎮至黨家莊五里 黨家莊至咸和村十里 咸和村至紅石崖八里 紅石崖至野鷄嶺十里 野鷄嶺至梯子崖十里 梯子崖經東西卓子至救郎山二十二里 東北與韓詒縣接壤

西北路出縣治西門至縣西河三里 縣西河至程家窩七里 程家窩至郭家窪二里 郭家窪至義井村十里 義井村至王莊鎮十里 王莊鎮至塔塚鎮五里 塔塚鎮至東西雒城村五里 雒城村至長寧河五里 長

寧河至劉家斜五里 劉家斜至吉安城十里 吉安城經任莊至蘭家嶺五里 蘭家嶺至關家橋五里 西

北與白水接壤

西南路出縣治西門至光祿村五里 祿村至柳家原五里 柳家原至長潤東村五里 長潤東村至長潤

鎮五里 西南與蒲城縣接壤

又邑東南鄉當同邵孔道由朝邑雙泉鎮東北至邑南棘茨村十里 南棘茨至寺前鎮十里 寺前鎮至

邵陽縣之北窋村五里

又由邵陽北党村西至西觀村七里 西觀村至醴醕鎮十里 醴醕鎮至臨高十里 臨高至蒲城之永豐

鎮十里 爲東西往來孔道

郵綫

郵政未設以前專恃驛傳轉遞消息 舊制設四驛嗣裁句倉撲地賢相三驛餘在洛城 自清光緒初開北京總理各

國事務衙門奏請開辦至三十一年澄城始創設郵政代辦所民國改爲三等郵局而驛傳遂廢其路線

先由大荔經寺前鎮至邵陽由邵陽至澄民國元年韋莊鎮設立郵局改由大荔經韋莊而至治城屬大

荔二等局管轄寺前鎮郵政所亦設於光緒三十一年由商代辦先屬大荔二等局管轄東北通邵陽民

國元年改屬朝邑不數年又屬大荔現改屬邵陽

電路

中國電政起於清末較郵政尙早吾澄於民國十年駐軍旅長劉世瓏建設電報自大荔以至洽城所費款項由縣担任按里均派旋廢民國十三年三十五師駐澄設軍用電話達大荔縣至今仍在

氏族

本邑居民皆漢種大姓不下十餘族茲錄其最著者

魏氏 春秋畢萬封魏後爲魏姓至唐文貞公徵佐太宗爲功臣第一賜田於北徵其子孫世居代有名人公二世孫克明封中書舍人二世扶以進士授超州刺史五世孫暮以進士授峽復鄜州累封至韓國公又封晉國公十五世孫道嚴宋神宗時累封兵部侍郎西臺御史十六世孫彥直累封禮部侍郎二十世孫卞以武節將軍授峽復鄜 兼兵部郎中復宣授延安府安撫使至明宏治初縣丞魏鑑竊譜去文貞垂冑泯然無存迄今少替然北鄉魏姓仍爲大族

按邑族姓之大者向稱韓姚二族而魏氏不與焉但魏爲邑名族烏可缺如故茲首述之

韓氏 出晉穆侯之少子曲沃桓叔生萬食米韓原遂爲韓氏至宋忠獻公琦居相州元至正開國子監祭酒永自相州遷洪洞明時永孫文秀自洪洞遷澄城之西觀里遂爲大族至今傳二十世其名人有明給諫一良知縣韓九有清知州亞熊代理知府韓瑞東而舉貢食廩之士多不勝述

姚氏 舜姓本舜母握登生舜於姚墟鄧樵通志亦云居姚墟者爲姚氏明時自山西遷於澄城之業著

里亦爲大族至今傳二十一世其宦達之著者爲姚肅規姚廷儀姚子方諸人

白氏 周太王五世孫虞仲之後秦穆公三帥有白乙丙其後以爲氏裔孫武安君起賜死杜郵始皇思其功封其子仲於太原明時自山西洪洞遷居澄之長潤鎮成大族至今傳二十一世其以宦達顯者爲白意白明禮白濬

路氏 其起原諸說不一至漢有大夫路溫舒元末大亂路氏之先人由山西潞安避地至澄居於縣南

三里之纂業業村其名人爲路車路世美路一麟等至今二十一世然稍替矣

川

註

112

開